



Praxis Bene Meditandi

Berzetti, Nicola

Coloniae Agrippinae, 1658

Observanda in supradicto Exercitio.

Nutzungsbedingungen

[urn:nbn:de:hbz:466:1-56496](#)

Observanda in supradicto Exercitio.

ATque hic modus observandus est in Applicatione sensuum, ut bene succedat, non est tamen necessarium, tam rigide servare assignatum ordinem, ut primò semper visus omnibus visibilibus, & deinde alij successivè suis objectis sive corporalibus sive spiritualibus applicentur. subinde enim melius succedit, si initium fiat ab Auditu, vel Tactu, & aliquando expediet, dum occurrit objectum pluribus sensibus commune, si omnes consequenter illi applicentur, ut intellectus parvum discursum

suum

suum cum maiori fundamento faciat, veritas magis imprimatur & confirmetur, & voluntas magis extimuletur efficaciorque ad concitandos affectus reddatur. Plerumque tamen melius succedere consuevit, si ordo lervetur maxime incipientibus. Prodest etiam ut quis imaginetur sibi, non solum audire, videre, odorari, gustare, & tangere illa, quae clare expressa habentur in mysterio, verum etiam ut dictum est in praxi bene meditandi, ea quae probabiliter accidere potuerunt circa illas personas, verba & opera quorum fit mentio in historia, attendo tamen semper ad decorum rebus omnibus necessariū.